



CENTRALE BANK VAN ARUBA

E tasa di reserva obligatorio a wordo hisa cu dos punto di porcentahe desde 1 di mei 2022, pa sigui reduci e nivel di likides excesivo na e banconan comercial.

Comunicado di prensa

Durante e reunion di 13 di april 2022, e Comite di Maneho Monetario (CMM)¹ di Banco Central di Aruba (BCA) a dicidi pa hisa e tasa di reserva obligatorio² di 18,0 porciento pa 20,0 porciento entrante 1 di mei 2022. E decision aki ta basa primordialmente riba e nivel halto persistente di likides excesivo na e banconan comercial, ademas di un subida den presion inflacionario.

A considera e siguiente informacion y analisis pa yega na e decision aki:

Reservanan internacional

Reservanan internacional, cu ta consisti di reservanan oficial di BCA y reservanan di divisa teni pa banconan comercial, a subi cu Afl. 362,2 miyon (Grafico 1). E componente reservanan oficial (incluyendo e diferencia di revaluacion di oro y reserva di divisa) a crece cu Afl. 319,7 miyon riba 25 di maart, 2022, compara cu fin di december 2021. Consecuentemente, riba 25 di maart 2022, e reservanan oficial y internacional a suma Afl. 3.064,6 miyon y Afl. 3.491,8 miyon respectivamente. Pa e resto di 2022, ta premira subidanan den reservanan oficial y internacional como resultado di entradanan di divisa relata na turismo, fiansanan di exterior, y inversion procedente di exterior.

Di e manera aki, reservanan internacional ta anticipa di keda riba e cantidad minimo di 3 luna rekeri di e cuenta coriente di e balansa di pago (incluyendo petroleo). Ta pronostica cu e reservanan oficial tambe lo permanece dentro di e margen aceptabel basa riba e metrico IMF ARA³ (Tabel 1).

¹ E CMM a ser institui na mei 2010 pa periodicamente evalua y determina e maneho monetario di BCA. Adicionalmente, CMM ta aspira pa mehora e transparencia di maneho monetario.

² E tasa di e reserva rekeri ta e cantidad minimo di reserva cu banconan comercial mester mantene na BCA y ta (actualmente) igual na 18,0 porciento di nan obligacionnan cu ta vence den menos di 2 aña.

³ E metrico di IMF ARA ta referi na "Assessing Reserve Adequacy Metric" di Fondo Monetario Internacional cual ta midi con adecua e reservanan oficial ta door di compara esaki cu un averahe a base di peso di placa den circulacion, fiansa entre companianan liga na otro, debe riba termino cortico y termino largo, y exportacion di bienes y servicio.




Grafico 1 – Desaroyo den reseranan oficial y internacional.

Tabel 1: Metriconan relata na reseranan observa den 2022

	jan	feb	mar
Cobertura di pagonan riba cuenta corriente ¹	8,7	8,7	9,3
Metrico di IMF ARA ²	107,6	107,0	111,6

¹E cantidad di luna di pagonan riba cuenta corriente cu e reseranan internacional ta cubri

²E proporcion entre e nivel di reseranan oficial y e nivel mínimo adecua (conforme IMF), den por ciento

Inflacion

Na februari 2022, e Indice di Prijs di Consumo (IPC) tabata 3,5 por ciento mas halto compara cu e mesun luna di e aña anterior (Grafico 2). E subida aki tabata causa primordialmente door di e prijs di gasoline, cu a afecta e componente di ‘transporte’ (contribuyendo cu 1,5 punto di porcentahe). Ademá, otro componentenan a contribui na e inflacion, esta componentenan ‘operacion di vivienda’ (+0,3 punto di porcentahe), ‘recreacion y cultura’ (+0,3 punto di porcentahe), ‘diferente producto y servicio’ (+0,3 punto di porcentahe), ‘pañá y sapateria’ (+0,2 punto di porcentahe), ‘restaurant y hotel’ (+0,2 punto di porcentahe), y ‘vivienda’ (+0,1 punto di porcentahe). Na final di februari 2022, e inflacion midi riba promedio di 12 luna a subi te na 1,7 por ciento y ta premira di ta sigi crece den 2022. E expectativa aki ta basa riba e aumento persistente di prijsnan en particular na Estados Unidos y Europa, cual entre otro ta causa pa (1) e guerra na Ucraina, y (2) e problemanan continuo den produccion y cadena di suministro. Mientrastanto na februari 2022, inflacion (excluyendo cuminda y energia) a yega 1.8 por ciento si midi e final di respectivo luna contra e luna di e aña anterior, anto basa riba un promedio anual ta yega na 0.3 por ciento.

Grafico 2. Inflacion basa riba Prijs di Consumo
(Fuente: CBS, januari 2022)




Grafico 2 – Desaroyo den inflacion

Likides di banconan comercial

E total di likides excesivo na e banconan comercial a baha di Afl. 1.320,5 miyon na december 2021 na Afl. 1.271,0 miyon na februari 2022 (Grafico 3). E caida aki den likides excesivo ta debi primordialmente na e subida di un punto di porcentahe den e tasa di reserva obligatorio riba 1 di januari 2022, y posteriormente un otro aumento di un punto di porcentahe den e tasa di reserva obligatorio riba 1 di februari 2022. No obstante, e nivel di likides excesivo ta keda significantemente mas halto cu e nivel midi prome cu e pandemia. E nivel amplio di likides excesivo na e banconan comercial ta parcialmente causa pa menos demanda pa credito, ademas di e ya nivel eleva di fondonan di likides⁴ na e banconan comercial.

Grafico 3. Likides excesivo di banconan comercial
(Fuente: CBA)




Grafico 3 – Desaroyo den likides excesivo

Desaroyonan den credito

Durante februari 2022, credito total di e banconan comercial a baha cu Afl. 43,6 miyon of 1,1 por ciento te na Afl. 3.781,3 miyon, compara cu december di 2021. E caida aki tabata debi principalmente na e categoria ‘credito na empresa’ (Afl. 31,0 miyon/2,1 por ciento), cual a resulta pa un gran parti na un bahada den prestamo cu termino di mas largo di 2 aña (Afl. 34,7 miyon/4,2 por ciento) y fianza riba cuenta corriente (Afl. 12,3 miyon/8,2 por ciento). E componente ‘otro’ a

⁴ E total di fondonan di likidez di banconan comercial ta consisti di e siguiente componentenan: ‘cash’, cuentanan corriente y depositonan riba termino largo teni na BCA, cuentanan corriente y depositonan riba termino largo di otro banconan comercial, ‘short-term securities’, bononan di gobierno, y otro ‘marketable securities’.

contribui na menos credito durante e periodo, como cu e a cay cu Afl. 14,1 miyon of 3,3 por ciento. Pa e resto di 2022, ta premira cu credito bancario total lo keda flat.

Desaryoyo den deposito di banconan comercial

Na februari 2022, e total di depositonan a baha un poco, yegando un nivel di Afl. 5.073,4 miyon, compara cu Afl. 5.079,0 registra na december 2021. Depositonan riba termino largo a baha cu Afl. 69,7 miyon compara cu december 2021. Di otro banda, deposito teni riba cuenta corriente (Afl. 59,2 miyon) y cuentanan di spaar (Afl. 4,8 miyon) a subi na februari 2022 compara cu december 2021.

Banco Central di Aruba

17 juni 2022